


KOMMUNIMUT PILERSAARUMMUT TAPILIUSSAQ 3D13-1

Nuuk

Qernertunnguit Kangerluani Takornarianut Illuaqqat
Februaari 2013



KOMMUNEQARFIK **SERMERSOOQ**
Sanarfinermut Avatangiisinullu Ingerlatsivik
Anlægs- og Miljøforvaltningen

IMARISAI

VEJLEDNING	Fejl! Bogmærke er ikke defineret.
NASSUIAAT	4
Tuniliaqutaasoq	4
Siunertarinqartooq	4
Pilersaaruteqarfiusooq.....	5
Pilersaarummut allamut sanilliullugu inissisimanera	10
Pilersaarutip inatsisitigut sunniutigigallagai	11
Pilersaarutip inatsisitigut inaarutaasumik sunniutai.....	Fejl! Bogmærke er ikke defineret.
Tamanut saqqummiussineq.....	Fejl! Bogmærke er ikke defineret.
AALAJANGERSAKKAT	12
AALAJANGERSAKKAT PINGAARNERIT	12
§ 1 Sumiiffiup atorneqarnera - siunertarinqartut.....	12
§ 2 Immikkoortup ilaata killeqarfilersorneqarnera agguataarneqarneralu	12
§ 3 Immikkuualuttut atorneqarnerat.....	12
§ 4 Sanaartukkat/Illut qanoq ittuunerat, inissinneqarnerat annertussusiallu.....	13
§ 5 Immikkoortup ilaani inissaq sinneruttoq.....	13
§ 6 Eriagisariaqartut ilisarnaataat.....	13
§ 7 Nunaminertat isumannaallisaaffiusut.....	13
§ 8 Immikkoortup ilaani aqqusinertigut angallanneq	13
AALAJANGERSAKKAT SUKUMIISUT	14
§ 9 Sanaartukkat/Illut inissinneqarnerat.....	14
§ 10 Sanaartukkat/Illut silataasa isikkui.....	14
§ 11 Aqquserngit, aqqusineeqqat biilinullu inissiisarfiit	15
§ 12 Teknikkikkut atortulersuutit.....	15
§ 13 Avatangiisini pissutsit	16
§ 14 Nunaminertat sanaartorfigineqanngitsut	16
AKUERSISSUTEQARNEQ	17

ILANNGUSSAT

<i>Ilanngussaq 1:</i>	<i>Immikkoortup ilaata atorneqarnera</i>
<i>Ilanngussaq 2:</i>	<i>Immikkoortumi killiliussami 3D5-imi killeqarfiit nutaat</i>
<i>Ilanngussaq 3:</i>	<i>Pilersaarutip titartagartaa/assitaa</i>
<i>Ilanngussaq 4:</i>	<i>Qalipaaitit</i>
<i>Ilanngussaq 5:</i>	<i>Ph. Rosendahlip illumik ujaqqanik issunillu qarmakkamik titartagaa 1936-imeersoq</i>

Kommunimut pilersaarummut tapiliussami nunaminertat, illut sanaartukkat nutaat, aqqusineeqqat, aqquserngit il.il. sumiiffimmi aalajangersimasumi qanoq isikkoqartinneqarnissaat, atorneqarnissaat, inissisimatinneqarnissaat ilusilersorneqarnissaallu aalajangersarneqartarput.

Kommunimut pilersaarummut tapiliussaq nassuiaatitaqarpoq aalajangersagartaqarlunilu.

Nassuiaammi kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut kiisalu kommunimut pilersaarummut tapiliussap pilersaarusiornernut allanut qanoq inissisimamera naatsumik allaaserineqarput.

Kommunimut pilersaarummut tapiliussami aalajangersakkat pingaarnernut sukumiisunullu agguataagaapput. Aalajangersakkat tamarmik pituttorsimasuupput, aalajangersakkaniilli ataasiakkaanit immikkut ittumik akuersissuteqartoqar-sinnaavoq.

Pilersaarusiorneq aamma nunaminertanik atuinert pillugit Inatsisartut peqqussutaat nr. 17, 17. novembari 2010-meersoq malillugu kommunimut pilersaarummut tapiliussamik oqaluuserinninnissaminut Kommunalbestyrelse pisussaavoq:

- *Kommunimut pilersaarutip piviusunnigortinnissaata qulakkeernissaa pisariaqartillugu.*
- *Annertunerusumik sanaartulinnginnermi, suliaqalinnginnermi imaluunniit nunaminertanik atugassiilinnginnermi.*
- *Sanaartukkanik/illunik anginerusunik pingaaruteqarnerusunilluunniit ingitserilinginnermi.*

Pilersaarusiortussaataanerup siunertarivaa pilersaarusiornernup ataqatigiinnerunissaa aamma innuttaasunik tamatumani peqataatitsinissaq.

Taamaattumik kommunimut pilersaarummut tapiliussassatut siunnersuutip innutaasut allallu pilersaarutip tusarniaassutigineqarneranut tunngatillugu akissuteqaateqarsinnaaniassaminnut akerliussuteqarnissaminnullu pilersaarummi ujaasisinnaaniassammata taanna tamanut nalunaarutigineqassaaq. Tamatuma kingorna pilersaarutip inaarutaasumik akuersissutigineqanginnerani akerliussutaasinnaasut allanguutissatullu siunnersuutaasinnaasut Kommunalbestyrelsimit nalilersorneqassapput.

Kommunimut pilersaarummut tapiliussap inatsisitigut sunniutai pilersaarummi tassani sukumiinerusumik eqqartorneqarput..

NASSUIAAT

Tuniliaqutaasoq

"Qernertunnguit Kangerluani takornarianut illuaqqat" pillugit kommunimut pilersaarummut tapiliussamut 3D13-1-imut tunuliaqutaasoq tassaavoq aalajangiineq 2008-meersoq, tassani unnuisarfissatut, ataatsimeersuartarfissatut, pikkorissartarfissatut kulturimillu siammarterinissanut issunik ujaqqanillu arlalinnik illuliortiternissamut kommunalbestyrelse nunaminertanik atugassiinissaq nalunaarutigaa.

Piffissami tamatumani aallarnisaaffiusumi pilersaarussiaq pilersaaruteqarfiusuni 3D9 (Nuffiumaneq) aamma 3D10-mi (Nuffiumaneq kangilleq) Aanaap Illuata aamma saviminernik eqqaavissuup akornanniittussaatinneqarpoq.

Kisiannili nunaminertamik atugassiissutigineqartumik ukiuni marlunni nalinginnaasumik atuinissamik killiliussap iluani, nunaminertanik atugassiisarnerit pillugit kommunimi malittarisassani aalajangersarneqarsimasoq, nunaminertaq atugassiissutigineqartoq atorneqanngimmat nunaminertamik atugassiineq atorunnaarsinneqarpoq.



Figur 1) Sukisaarsartarfitt pillugit takussutissaq

Tamatuma saniatigut piffissami tassani Nuummi Nuullu eqqaani nunaminertanik qorsuusunik sukisaarsartarfinnik atuinissamut periarfissat ataatsimoortumik nalilersuffigeqqinneqarput. Aamma Kommunalbestyrelsip Kommunimut pilersaarummut nr. 4-mut "Illoqarfimmi sukisaarsartarfitt pillugit pilersaarummut" tapiliussamik akuersissuteqarneratigut aatsaavissuaq Nuummi nunaminertat qorsuusut anersaartorfissat qanoq illoqarfiup pinngortitallu akornanni sukisaarsarnikkut ataaveqatigiissinneqarnissaat pillugu ataatsimoortumik pilersaarummik saqqummiussaartoqarpoq.

Taassuma ilassutaatut Qasianguani nunaminertanik sanaartorfineqanngitsunik atuinissat pillugit aalajangersakkat (kommunimut pilersaarummi immikkoortoq killiliussaq 3D5, ilanngussaq 2 takuuk) sukaterneqarput, tassami maannakkut sumiiffimmi tassani sunilluuniit sanaartortoqannginnissaa aalajangerneqarmat.

Siunertarineqartoq

Kisianni kommunimut pilersaarummut tapiliussami matumani sumiiffik iluaqutaasumik takornarianut illuaqioriternissanut assigisaannullu

atorneqarsinnaasoq Kommunalbestyrelse
isumaqarpoq, taamaaliortoqarneranili aatsaat
sukisaarsartarfittut naleqartitat
eqqarsaatigineqarpata sumiiffiullu
ajortissutiginnngisaanik sanaartortoqassappat.

Tamanna naapertorlugu ataatsimoorussassatut
siunertanut, sunngiffimmi takornarianullu
atuuffinnut isikkulittut ittunut
nunaminertamik atugassiisoqarpoq, aamma
sumiiffiit sanaartorfigineqartussaannngitsut
atugassiissutigineqarput.

Taamaalilluni illunik takornariaqarnermut
kultureqarnermullu siunertaqartunik
unnuisarfittut/sulinngiffeqarnermi illuaqqatut
pikkorissartarfittullu ittunik
sanaartortoqarsinnaasunngortitsineq kiisalu
tupeqarfinnik allanillu sammisassanik Inuit
kalaallillu kulturiannut attuumassuteqartunut
pilersitsisoqarsinnaalersitsumik kommunimut
pilersaarummut tapiliussami
siunertarineqalerpoq.

Tamakku saniatigut kommunimut
pilersaarummut tapiliussami sanaartukkat/illut
suliassallu allat nunamut naleqqussarlugit
inissinneqarnissaat aamma sumiiffiup
annersaa sukisaarsartarfittut siunertanut
tamanit
atorneqarsinnaasunngortinneqarnissaasa
siunertarineqarpoq.

Kiisalu pilersaarummi kikkut tamat
sumiiffimmukarsinnaanerisa
qulakkeerneqarnissaat aamma nunaminertat
pisariaqartinneqartut aqqusinernut,
aqqusineeqqanut sukisaarsartarfittullu
aqqusineeqqanut kiisalu biilinit
inissiisarfinnut qulakkeerneqarnissaat
siunertarineqarpoq.

Pilersaaruteqarfiusoq

Pilersaaruteqarfiusoq Nuup illoqarfiata ilaani
Nuussuup avannamut kangia'tungaata
teqeqquaniippoq, inissiaqarfiup
Qernertunnguit avannaa'tunginnguani.
Sumiiffik katillugit 4,0 ha-t missaannik
annertussuseqartoq immikkoortup killiliussap

3D5-ip, Qasigiannnguit – taanna sumiiffittut
sanaartorfigineqartussaannngitsutut
atugassiissutigineqarpoq - ilagaa.

Sumiiffiup avatangiisai

Pilersaaruteqarfiusoq Qasigiannnguit nuuata
aamma Nuup Kangerluata akornanni
nuungajuttamiippoq.

Sumiiffik kujammut qaqqasunnamik, taanna
qerrortalimmik qoorortaqarpoq, inissiaqarfiup
Qernertunnguit tungaaniittumik
killeqarfeqarpoq. Avannamut sumiiffik
amiliartorpoq avannaa'tungerpiaalu
ulikkaarngat qeqertanngortarpoq.



Figur 2) Immikkoortup ilaata avatangiisai aamma
immikkoortoq killiulissaareersoq 3D5 - Qasigiannnguit

Sanaartukkat/illut

Sumiiffik ullumikkut
sanaartorfigineqanngilaq pinngortitatullu
isikkoqarluni. Qaqqasunnamili sumi tamaani
siusinnerusukkut antenneqarfittut
atorneqarsimaneranik
takussutissartaqartiterpoq, ilaatigut
napparussuit noqarutaasa aalajangerfii
qaarsumut aalajangerlugit manngussukkat.

Tikiuffiusinnaareersut

Sumiiffimmut ullumikkut qamutinu
motoorilinnut aqqusineqanngilaq.
“Illoqarfimmi sukisaarsartarfuit pillugit
pilersaarummi” figur 3-mi takutinneqartutut
sissami aqqusineeraliortoqarsinnaanera
takutinneqarpoq.



Figur 3) Ilanngussaq 4-mit sissami aqqusineeqqap
titartarneqarnera.

Sissami aqqusineeraq tamakkerluni
sumiiffikkoorpoq, taamaattorli
aalajangersimasumik aqquteqarani aamma
sumiiffiup kangia'tungaani qaqqasunnam
illernaasani aqqusineeqqat imaluunniit
qooqqumi qerrulimmi sumiiffimmut
aqqusineeraq aqqutigissallugit
toqqarneqarsinnaapput.

Nunap isikkua nunataalu

Sumiiffiup kujasinersaa qaqqasunnaavoq 38-
it missaannik qatsissusilimmiittoq, taanna
aamma qoorortaarpoq mikinerusunik
qerrulimmik. Avannamut aamma kimm
kangimullu sissaq qooqqup tungaanut
qatsissutsip 22-p tungaanut sivinganeruvoq
ataasiakkaanillu tinupattaqartiterluni.


Sissap kitaa'tungaa sukut tamaana
sioraavoq.



Figur 4) Qasigiannugit qarsullugit Sermitsiap
tunganut isikkivik.

Sumiiffiup avaanna'tungaani sissamut
qanittoq pukkitsunik akerrortuunillu
naasoqarpoq. Qaqqasunnap killinga
issoqartiterpoq paarnaqutitalinnik
paarnalinnillu il.il.

Nunngajuusap kangia'tungaata sissaa
mikinerusunik masarsoqartiterpoq ivikkanik
sinaakkutalinnik. Tamakku saniatigut
kangimut ataasiakkaanik ivigartalinnik
qaqqasunnam illernaasaqartiterpoq.



Figur 5) Qernertunnguit tungaanut qooqqukut
isikkivik.

Seqinnertarnera, isikkiviit anorillu

Qooqqup avannamut sammisortaa
kujasimmik anorersuarnut oqquisumiippoq.
Akerlianik sumiiffik anorimut avannamut
nillertumut saqqumiinnartumiippoq.

Nunap portussusia annikitsuinnarmik
nikerarmat sumiiffiup annertunersaa ukioq

naallugu seqinnerfigineqartarpoq. Avannamut Sermitsiap tungaanut isikkivigeqaaq kimmullu kangerluup Akiatalu tungaanut aamma isikkiveqarluni.



Figur 6) Akiata tungaanut isikkivik.

Pilersaaruteqarfiusumik atuineq

Kommunimut pilersaarummut tapiliussami immikkoortup ilaa 3D13-ip killeqarfilersorneqarnera aamma immikkuualuttunut marluinnut agguataarneqarnera aalajangersarneqarpoq, ilanngussaq 1 takuuk.

Immikkuualuttoq 1

Immikkuualuttumi 1-imi taamaallaat siunissami sanaartortoqartassaaq. Takornarianut illuaqqanik atortorissaarutitalinnik aamma takornarianut sammisassaqartitsinernut pikkorissartitsisarfinnillu sanaartortoqarsinnaavoq.

Ilanngussaq 1 naapertorlugu sanaartorfissatut aalajangersakkani taamaallaat sanaartortoqassaaq. Sanaartorfiit immikkoortunut marluinnut avitaapput; A aamma B.

Sanaartorfimmi A-mi anginersumik ataatsimoorussassatut illutut, ilinniartitsisarfinnik, sanaartortoqarnissaanut periarfissiisoqarpoq.

Sanaartorfimmi B-mi mikinerusunik assigiiaarnerusunillu unnuisarfitut atorpeqarsinnaasunik illuaqqiortiternissamut periarfissiisoqarpoq.

Sanaartorfiit avataanni oqaluttuarisaanermut tunngassutit apeqqutaatillugit aamma ilinniartitsinerni kulturimillu siammarterinermi atugassanik mikinerusunik tupernik nappaasoqarsinnaavoq.

Tamakku saniatigut immikkuualuttumi aqquserniortoqarsinnaavoq, aqqusineeraliortoqarsinnaavoq biilinullu inissiisarfiortoqarsinnaalluni. Aqquserngit aqqusineeqqallu qullilersorneqarsinnaapput.

Immikkuualuttoq 2

Sumiiffik sanaartorfigineqassanngilaq pinngortitatullu isikkoqartinneqassalluni.

Immikkuualuttumi taamaallaat kikkunnit tamanit tikinneqarsinnaasunik aqqusineeraliortoqarsinnaavoq tummeqqiortoqarsinnaallunilu, ilanngussaq 1 takuuk.

Sanaartukkat/Illut

Immikkuualuttoq 1

Nutaanik sanaartukkat inissinneqarnissaat, annertussusissaat portussusissaallu pillugit aalajangersakkat aalajangersarneqarput. Tamatuma saniatigut sanaartukkat silataasa isikkui pillugit aalajangersakkanik aalajangersaasoqarpoq.

Sanaartukkat nutaat taamaallaat sukisaarsartartinnut siunertaqartunut aamma ilinniartitsinernut takornarianullu siunertanut atorpeqassapput taamaattumillu ukioq nallugu atorpeqartussaananik.

Sanaartukkat nunap isikkuanut ilusaanullu naleqqussarneqassapput.

Figur 7 aamma 8-mi sumiiffimmi sanaartukkat nutaat inissinneqarsinnaanerak takutinneqarput.

Illut tamarmik issunik ujaqqanillu qarmagaassapput qaliaqanngitsut

manissumillu qaliallit. Illut
assigiiaartuussapput titartarneqarnermikkullu
kalaallit qangaaniilli issunik ujaqqanillu
illuliortariaasiannik
nutaaliangorlugillugillusoḡ
isikkoqartinneqassallutik.

*Issunik ujaqqanillu illulianik oqariartaaseḡ
imatut paasineqassaaḡ; illu qisunnik sanaaḡ
illullu taassuma silataata annertunersaa
issunik qarmakkanik illersugaasoḡ, taannalu
illumik "Qanaḡ 3-mik" Ph. Rosendahlip
1936-imi pilersaarussiaanik tunngaveqarpoḡ,
ilannḡussami 5-imi taanna takutinneqarpoḡ.*

Immikkuualuttoḡ 2

Sumiiffik sanaartorfigineqassanngilaḡ.



*Figur 7) Nutaamik sanaartukkat avannaatungaaniit
3D-nngorlugit takutinneqarnerat.*



*Figur 8) Nutaamik sanaartukkat kitaaniit
3D-nngorlugit takutinneqarnerat.*

Aqquserngit, aqqusineeqqat biilinullu inissiisarfii

Pilersaaruteqarfiusup kujataa´tungaani
inissiaqarfimmi Qernertunnguani
aqqusinermit sumiiffimmut aqqusineqassaaq.
Aqqusineq immikkoortup ilaanut
tallineqassaaq aamma sumiiffiup
kujataa´tungaa biilinut inissiisarfinnut
atugassiissutigineqarpoq.

Sumiiffimmi sanaartukkanut atassusisiisunik
aamma sumiiffinnut allanut aqqustissiisunik
aqqusineeraliortoqarsinnaavoq.

Sanaartukkat ataasiakkaat tungaannut
aalajangersimasunik qalliusikkanik
aqqusineeraliortoqarsinnaavoq. Sumiiffimmi
aqqusineeqqat allat imminut isumagisumik
tummaataralugit pilersinneqarsimasutut
suliarineqarsimangitsutullu isikkoqassapput.

Nunaminertat sanaartorfigineqanngitsut

Sumiiffimmi sukisaarsartarfioreersut
eriagineqassapput pinngortitallu
isikkoqartiinnarneqassallutik.

Sanaartorfigissaanerni sanaartornernilu nuna
sapinngisaaq tamaat mianersuunneqassaaq.
Nuna innarlerneqarsimasooq ilusaatut
ilerseqqinneqassaaq aamma sumiiffik
qaartiternerlukunik qaartiterinermi
assartuinermiluunniit siammarsimasunik
salinneqassaaq.

Sanaartorfigissalluni sanaartorlunilu nunamik
suliaqarnermi issooreersoq naasoreersullu
sapinngisaaq tamaat mianersuunneqassapput
suliarineqarlutilluunniit aamma sanaartornerit
naammassineqarneranni
utertinneqarsinnaasunngorlugit
inaalissorneqassapput.

Teknikkikkut pilersuutit

Imermik, innaallagissamik kiassarnermillu
pilersuineq Nukissiorfinnit isumagineqassaaq.

Kommune suliffeqarfilluunniit alla
kuuffissualersuillunilu aqquserniorsinnaavoq.

Innaallagissap, erngup kiassanermilu aamma
kuuffissuit aqquataat nuna
iluatigoortinneqassapput sapinngisarlu tamaat
ataqqineqassapput aamma qaasigut
sanaartortoqassanngillaq
qalliusersuisoqaranilu.

Kiassarneq

Kiassaariaatsinut sukulluunniit atuuttunut
oqartussaasunit akuersissutinik
pisariaqartinneqartunik pissarsiniarnissaaq
sanaartortitsisup/nunaminertamik piginnittup
nammineq akisussaaffigaa.

Imeq

Sumiiffik pisortat imermik pilersutaannut
attavilerneqassaaq.

Eqqagassalerineq

Sumiiffik Kommuneqarfik Sermersuumi
eqqagassalerineq pillugu aaqqiinernut
sukulluunniit atuuttunut ilaatinneqarpoq.

Sanaartornernut ilassutitut
eqqavilersuisoqassaaq imaluunniit Kommunip
eqqagassat pillugit malitassaatai
naapertorlugit eqqaavinnut containeriusunut
inissanik immikkoortitsisoqassalluni.

Biilinut inissiisarfinnut eqqaavinnik
containeriusunik inissiisoqassanngilaq.

Imikoq

Sanaartukkat kommunip kuuffissuaataanut
attavilerneqassapput. Imikoq tamarmi
kuuffissuakkuut kuutsinneqartassaaq. Nunap
qaavata ernga aamma illut qaavisa imertaat
kuuffissuakkoortillugit kuutsinneqassanngillat
kisianni sanaartukkanut, aqqusinerlut,
aqqusineeqqanut nunaminertanullu
sanaartorfigineqanngitsunut
avatangiiserisanut akornutaanngitsumik
kuutsinneqassallutik.

Pilersaarummut allamut sanilliullugu inissisimanagera

Nuna tamakkerlugu pilersaarusionerq

Kommunimut pilersaarummut tapiliussaq nuna tamakkerlugu pilersaarusionerq atuuttumut naapertuuppoq.

Kommunimut pilersaarut 2005-2014

Nuup Kommuneanut Kommunimut pilersaarut 2005-2014-imi pilersaaruteqarfiusoq ilanngussartalik immikkoortoq killiliussaq 3D5-imut ilaatinneqartoq – Qasigianguit – sumiiffittut sanaartorfigineqartussaangitsutut atugassiissutigineqarpoq. Nunaminertap atornerqarnissaa pillugu aalajangersakkani pingaarnerni ilaatigut sumiiffimmi nutaanik sanaartortoqassanngitsooq aalajangerneqarsimavoq.

Kommunimut pilersaarummut tapiliussakkut matumuunakkut immikkoortup killiliussap 3D5-ip ilaa nutaanik aalajangersagartalerlugu immikkoortup ilaanut nutaanut 3D13-imut nuunneqarpoq, tassani sanaartornissamut periarfissiisoqarpoq.

Sumiiffiup 3D5-ip allatut killeqarfilersorneqarnera aamma sumiiffiup 3D13-ip nutaanik killeqarfilersorneqarnera ilanngussaq 2-mi takuneqarsinnaapput.

Siusinnerusukkut illoqarfiup ilaanut pilersaarutaasimasut aamma kommunimut pilersaarummut tapiliussaasimasut

Sumiiffik pillugu illoqarfiup ilaanut pilersaarusiortoqarsimananilu immikkoortup ilaanut pilersaarusiortoqarsimanngilaq.

Nunaminertat piumasaqaatitaqarfiusut

Mittarfiup eqqaa nunaminertaqartiterpoq killilersuiffiusunik, ilaatigut manissunik ilaatigullu manniusatungajak isikkulinnik aamma ilaatigut mittarfiup isuini mikkiartortarnissanut tinginissanullu tunngasunik.

Immikkoortup ilaa qatsussutsimi 127,5-imi killilersuiffiusumik manissumit atornerqarpoq. Mittarfiup eqqani nunaminertami manissumi sanaartornerni atortulersuusersornernilu aalajangersakkat ataqqineqartussaapput, taamaalilluni timmisartut akornuteqanngitsumik mikkiartortarnissaat qulakkeerneqarluni.

Avatangiisini iliuusissatut pilersaarut

Pilersaarummi tassani aalajangersakkat kommunimi avatangiisini iliuusissatut pilersaarutinut naapertuupput.

Qanganitsat

Sumiiffimmi qanganisaqartoqarneranik Kommuneqarfik Sermersuumi ilisimasaqartoqanngilaq.

Immikkoortup ilaani nunamik suliaqarnerit Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaat nr. 11, 19. maaji 2010-imeersup ataaniipput.

Nunamik suliaqarnermi qanganitsanik nassaartoqarpat qanganitsat atornerqarnerat apeqqutaatillugu suliat unitsinneqassapput tamatumalu kingorna Nunatta Katersugaasivianut attaveqartoqassalluni.

Pilersaarutip inatsisitigut inaarutaasumik sunniutai

Kommunalbestyrelse kommunimut pilersaarummut tapiliusseq piviusunngortinneqarnissaanut atuutissaaq, tassunga ilanngullugu nunaminertanik atugassiiarnikkut (Pilersaarusiornermut inatsimmi §29).

Taamaalilluni kommunimut pilersaarummut tapiliussumik matuminnga inaarutaasumik akuersissut tamanut nalunaarutigineqareerpat pissutsit inatsisitigut pissutsilluunniit piviusumik kommunimut pilersaarummut tapiliussumi aalajangersakkanut akerliusut pilersinneqassanngillat (Pilersaarusiornermut inatsimmi §30).

Piffissaq oqalliffiusoq akuersissuteqarnerlu

Kommunimut pilersaarummut tapiliusseq 2012-imi juunip ulluisa 27-aniit augustip ulluisa 22-ata tungaanut sapaatit akunnerini arfineq'pingasuni tusarniassutigineqarpoq aamma piffissami tassani kommunimut pilersaarummut tapiliussumut akerliussutit katillugit 83-t takkussimapput.

Kommunimut pilersaarummut tapiliusseq kommunalbestyrelsip 2013-imi marsip ulluisa tallimaani ataatsimiinnermini oqaluuseraa aammalu siunnersuummut tamanut saqqummiunneqartumut sanilliullugu aaqqissuisoqarnikkut arlalinnik allannguutitalerlugu kommunimut pilersaarummut tapiliusseq akuersissutigalugu.

Siunnersuummut akerliussutigineqartut amerlanersaat tullinnguuttunik makkuninnga imaqarput:

- Qernertunnguit pinngortitami naliitsumik sukisaarsartarfiunini annaassavaa.
- Illuaqqanut aqqusineq pissutaalluni Qiterliata eqqaani

pinnguartarfituarsuaq atorunnaarsinneqassaaq.

- Pilersaarusiap malitsigisaanik Qernertunnguanut aqqusinertigut angallattoqarnerulissaaq tamatumalu kingunerisaanik nuna nungullarsarneqarluni.

Pilersaarut uani takuneqarsinnaavoq

Pilersaarut Nunatta Atuagaateqarfiani atuarsinnaavat, kommunip nittartagaanut aasinnaavat, www.sermersooq.gl, imaluunniit kommunimi innuttaasunik sullissivimmit pissarsiarisinnaavat.

AALAJANGERSAKKAT

Pilersaarusionerq aamma nunaminertat atornerqartarnerat pillugit Inatsisartut inatsisaat nr. 17, 17. novembari 2010-meersoq naapertorlugu Kommunalbestyrelsip immikkoortup ilaani tullinnguuttuni aalajangersakkat pingaarnerit sukumiisullu kommunimut pilersaarummut tapiliussami matumani ilaatinneqartut aalajangersarpai.

AALAJANGERSAKKAT PINGAARNERIT

§ 1 Sumiiffiup atornerqarnera - siunertarineqartut

1.1 Sumiiffik ataatsimoorussassatut takornarianut illuaqqatut assigisaanullu atornerqarnissaa aamma sukisaarsartarfittut sumiiffittullu sanaartorneqanngitsutut aalajangersarneqarpoq.

1.2 Sumiiffimmi sukisaarsartarfinnut nunaminertatullu pinngortitatut isikkullinnut kikkut tamat orniguttarsinnaanerit qulakkeerneqassaaq.

§ 2 Immikkoortup ilaata killeqarfilersorneqarnera agguataarneqarneralu

2.1 Immikkoortup ilaa ilanngussami 1-imi takutinneqartut killeqarfilersorneqarpoq. Sumiiffik 40.000 m²-it missaannik annertussuseqarpoq.

2.2 Sumiiffik immikkuualuttunut 1 aamma 2-mut ilanngussami 1-imi takutinneqartutut avinneqarpoq
- Immikkuualuttoq 1 32.000 m²-it missaannik annertussuseqarpoq.
- Immikkuualuttoq 2 8.000 m²-it missaannik annertussuseqarpoq.

§ 3 Immikkuualuttut atornerqarnerat

3.1 Immikkoortup ilaa ataatsimoorussassatut siunertanut sunngiffimmi takornarianullu atuuffittut isikkullinnut aamma sukisaarsartarfittut siunertaqartunut atornerqassaaq.

3.2 Sanartukkani/illuni imaluunniit nunaminertani assiaqusersorneqarsimasuni taamaallaat inaalissuisoqarsinnaavoq.

Immikkuualuttoq 1

3.3 Immikkuualuttoq 1 sukisaarsartarfittut takornarianullu attuumassuteqartutut siunertanut soorlu unnuisarfittut, ataatsimeersuartarfittut, pikkorissartarfittut, ilinniartitsisarfitut kulturimillu siammarsaavittut isikkullinnut atornerqassaaq.

Aamma atortorissaarutitalinnik, assersuutigalugu biilinnut inissiisarfititalinnik, sulinnigiffeqarnermi illuaqqiortoqarsinnaavoq.

3.4 Tamakku saniatigut sumiiffimmi tupeqarfinnut imaluunniit atortulersuutaagallartunut, atortulersuutit kulturikkut oqaluttuarisaanermik pinngortitamillu siammarterinermit ilaatinneqarpata, sammisassaqartitsiviliortoqarsinnaavoq.

Immikkuualuttoq 2

3.5 Immikkuualuttoq 2 sanaartorfigineqassanngilaq aammalu pinngortitatut atornerqarsimanngitsutut isikkoqartinneqassalluni.

3.6 Taamaattorli aqqusineeraliortoqarsinnaavoq, tummeqqiortoqarsinnaavoq, nasittarfiliortoqarsinnaavoq il.il., tamakku kikkunnit tamanit tikinneqarsinnaanerit qulakkeerlugu.

§ 4 Sanaartukkat/illut qanoq ittuunerat, inissinneqarnerat annertussusiallu

- 4.1 Ilanngussami 1-imi takutinneqartut sanaartorfissatut aalajangersarneqarsimasuni taamaallaat sanaartortoqarsinnaavoq.
- 4.2 Sanaartukkat portunerpaaffimmikkut, § 7.1 apeqqutaatinnagu, nunap qaaniit uuttortarlugu 5,0 meterinit portunerussanngillat. Portussuseq nunap qaaniit sanaartukkap portunerpaaffianut uuttortarneqarpoq, taannalu portussutsitut pilersaarusiame aalajangersakkami Kommuneqarfik Sermersuumit akuerisaasumit aalajangersagaavoq.

aamma portussuseq 121,5 sinnerlugu portutigisumi aqquserniortoqassanngilaq.

§ 8 Immikkoortup ilaani aqqusinertigut angallanneq

- 8.1 Sumiiffik Qiterlianit aqqusineqassaaq.
- 8.2 Sanaartukkat, atortulersuutit assigisaallu aqquserngup qeqqaniit 7,5 meterinit qaninnerusumut inissinneqassanngillat.
- 8.3 Aqquserngit titarnerisa iluini nunaminertat teknikkikkut pilersuutitut immikkoortitaapput.

§ 5 Immikkoortup ilaani inissaq sinneruttoq

- 5.1 Kommunimut pilersaarummut tapiliussami matumani sanaartorfiit atorineqareerpata sumiiffik tamakkerluni sanaartorfigineqarsimasutut sinneruttumillu inissaaruttutut isigineqalissaaq.

§ 6 Eriagisariaqartut ilisarnaataat

- 6.1 Nunaminertat atorineqanngitsut imaluunniit sanaartorfissatut, aqqusinernut, aqqusineeqqanut il.il. atugassiissutigineqarsimasut pinngortitatut isikkoqartillugit pigiinnarneqassapput.

§ 7 Nunaminertat isumannaallisaaffiusut

- 7.1 Immikkoortup ilaa mittarfiup eqqaani mikkiartorfissatut atorineqartup ilaaniippoq. Sumiiffik nunaminertamut manissumut sanaartukkat/illut atortulersuutillu allat portussuseq 127,5 sinnerlugu sanaartorfiusinnaanngitsumiippoq

**AALAJANGERSAKKAT
SUKUMIISUT**

**§ 9 Sanaartukkat/Illut
inissinneqarnerat**

9.1 Ilanngussami 1-imi takutinneqartut immikkuualuttumi 1-mi sanaartorfissat tullinnguuttut makku atugassiissutigineqarput: A, aamma B1, B2, B3, B4, B5, B6 aamma B7.

9.2 Sanaartukkat/illut portunerpaaffimmikkut ataatsimik qulerinngorlugit/qaliaqartinnagit sanaartorneqassapput.

9.3 Nunaminertamik atugassinneqarsimangikkaani nunaminertamik sumilluunniit sanaartorfigineqanngitsumik atuisoqassanngilaq, atuneq immikkuullarissuunngippat allanullu ajoqutaanngippat.

9.4 Sumiiffimmi Kommuneqarfik Sermersooq aatsaat akuersiteqqaarlugu containerinik assigisaanillu inissiisoqarsinnaavoq.

Immikkuualuttoq 1

9.5 Sanaartorfinni ataasiakkaani annikinnerusumik qaartiterisoqartarnissaa naatsorsuutigineqartariaqarpoq, taamaalilluni sanaartukkat/illut nutaat pilersaarummi sumiiffimmik atuinissamat naapertuuttumik inissinneqarsinnaaniassammata.

9.6 Sanaartorfinni A-mi nunaminertat sanaartorfigineqartut issunik ujaqqanillu qarmallit ilanngullugit 150 m²-it sinneqassanngilaat.

9.7 Sanaartorfinni B1 – B7-ini sanaartorfinni tamani nunaminertat sanaartorfigineqartut issunik ujaqqanillu qarmat ilanngullugit 50 m²-it sinneqassanngilaat.

9.8 Toqqaviit pisariaqartitsineq sinnerlugu portunerussanngillat, tassa imaappoq toqqaviup takuneqarsinnaasortaa nunap qaaniit 0,5 meterit sinneqassanngilai.

9.9 Usingiartarfiusinnaasut sanaartukkanut/illunut atatillugit sananeqassapput aammalu sanaartorfissatut takutinneqartuni taamaallaat sanaartorneqassallutik.

Immikkuualuttoq 2

9.10 Sumiiffik sanaartorfigineqassanngilaq/illuliorfigineqassanngilaq.

**§ 10 Sanaartukkat/Illut silataasa
isikkui**

Immikkuualuttoq 1

10.1 Sanaartukkat/Illut ilanngussami 5-imi takutinneqartut kalaallit issunik ujaqqanillu qarmakkanik qangaaniilli illulioriaasiannik titartarneqarneralu nutaanngorlugu takutitsisumik sananeqassapput.

10.2 Illut tamarmik isikkumikkut titartarneqarnermikkullu assigiaartutut isikkoqassapput.

Sanaartorfinni illut B1 – B7-imiittut angissutsimikkut assigiaassapput.

10.3 Illut tamarmik immikkut saqqaartaasa silataat qisunnik ammut sammisunik ilanngussamilu 4-mi takutinneqartut qalipaaserlugit qalliuteqassapput. Illut silataasa sinneri tamakkiisumik ilaannakortumilluunniit issunik ujaqqanillu qalliusersorneqassapput aammalu taartuullutik qalipaataallu aamma taartuussallutik, ilanngusseq 4 naapertorlugu.

10.4 Illut qaliaat manikannersuussapput sivinganerpaaffimmikkullu illup tunua tungaanut 10 graditut sivingatigissallutik.

- 10.5 Illut qaliaasa qaavi qalissianik qisunnilluunniit qalliuteqassapput. Nunaminertani atugassiissutigineqartuni illullu silataanni taamaallaat allagartarsualersuisoqarsinnaavoq aamma tamakku kommunalbestyrelsimit akuersissutigineqaaqassapput.
- 10.6 Sumiiffimmi allagartarsuit sumiiffimmi aqqusinertigut angallannermut aamma aqqusinernut qanittumiittunut akornutaassanngillat.

§ 11 Aqquserngit, aqqusineeqqat biilinullu inissiisarfiit

- 11.1 Ilanngussami 1-imi takutinneqartut tunngaviit malillugit aqquserniortoqassaaq biilinullu inissiisarfiliorqarluni, taamaalilluni aqqusineq qeqertaasap ineriartortinneqarsinnaaneranut tunngatillugu avannamut tallineqarsinnaaniassammat.
- 11.2 Sumiiffimmi ilanngussaq 1-imi takutinneqartut tunngaviit malillugit aqquserniortoqassaaq. Aqquserngit 7 meterinik silissusilerlugit sananeqassapput, biilit aqqutaat aqquserngillu sinaanni kussiat ilanngullugit.
- 11.3 Aqqusinernut tunngatillugu ilanngussami 1-imi takutinneqartut ataatsimoorussassamik biilinet inissiisarfiliorqassaaq. Biilinet inissiisarfiit katillugit qulit sananeqassapput.
- 11.4 Aqquserngit biilinullu inissiisarfiit manngertunik qalliuserlugit sananeqassapput.
- 11.5 Aqqusineeraliornissanut aqqusialiornissanullu aamma usingiartarfiliornissanut ilanngussami 1-imi takutinneqartut nunaminertamik immikkoortitsisoqassaaq.

- 11.6 Sanaartukkat/illut tungaannut aqqusineeqqat manngertunik qalliuserlugit, soorlu ujaqqanik, ujaraaqqanik qisunnilluunniit sananeqarsinnaapput. Aqqusineeqqat asfaltimik betonimilluunniit qalliuserneqassanngillat.
- 11.7 Sumiiffimmi aqqusineeqqat allat sapinngisaq tamaat tummaatariinnarlugit pilersitaasimasuussapput suliarineqarsimarpassuussanatillu.
- 11.8 Aqquserngit aqqusineeqqallu qullilersorneqarsinnaapput.

§ 12 Teknikkikkut atortulersuutit

Immikkuualuttoq 1

- 12.1 Sanaartukkat/illut tamarmik pisortat imermut, innaallagissamut kuuffissuarnullu aqqutaataannut atassuserneqassapput.
- 12.2 Imikut tamarmik kuuffissuakkut kuutsinneqassapput.
- 12.3 Nunap qaavata kussiukkanilu imeq kuuffissuarmut kuutsinneqassanngillat kisiannilu sanaartukkanut, aqqusinernut, aqqusineeqqanut nunaminertanullu sanaartorfigineqanngitsunut akornutaanngitsumik kuutsinneqassaaq.
- 12.4 Soorlu innaallagissamut, imermut kiassarnermullu pilersuinerne aqqutit kuuffissuillu sapinngisamik nunap iluatigoortinneqassapput aammalu qaasigut sanaartorfigineqassanatik qalliusersorneqaratilluunniit.
- 12.5 Pisortat pilersuutaannut attavilertinnisamik allakkatigut akuersissummik pigisaqartoqalersinnagu sanaartukkat/illut nutaat atorneqalissanngillat.
- 12.6 Sumiiffimmi parabolantennit inissinneqassanngillat.

§ 13 Avatangiisini pissutsit

13.1 Nunamik immiiniaraanni ilusaatullu pilersitsitseqqinnermi stofiit atortussiassalluunniit imermik mingutitsisinnaangitsut arrortinneqarsinnaasullu taamaallaat atorpeqassapput. Atortussiassaq immiissutigineqartoq soorlu betonimik akoqarpat akuersissut oqartusnaanum attuumassuteqartunut pissarsiarineqassaaq.

13.2 Sumiiffik Kommuneqarfik Sermersuumi eqqagassalerineq pillugu aqqiinernut sukkulluunniit atuuttunut ilaatinneqarpoq.

§ 14 Nunaminertat sanaartorfigineqanngitsut

14.1 Sanaartorfigissaanerni sanaartornernilu nuna sapinngisamik innarlernaveersarneqassaaq. Sumiiffik ilusaatut ilerseqqinneqassaaq aammalu qaartiternerlukunik qaartiterinermi assartuussinermiluunniit siammarsimasinnaasunik salinneqassalluni.

14.2 Qaartiterinerni sanaartorfigissaanernilu nunaareersoq naasooreersullu sapinngisamik pigiinnarneqassapput aammalu sanaartornerit naammassineqarneranni nuna ilusaatut iliseqqinneqarnerani atoqqinneqartussanngorlugit inaalinneqassallutik.

14.3 Nunaminertat sanaartorfigineqanngitsut pinngortitatut qaqqasunnartallitut qaqqasunnamiluunniit naasullitut isikkoqartillugit pigiinnarneqassapput.

Immikkuualuttoq 1

14.4 Sanaartornerit iluatsillugit nunaminertat aneerfiusinnaasut aqqissuunneqarsinnaapput.

14.5 Oqaluttuarisaanermik, kulturimik pinngortitamillu paasinninnissamik ingerlatitseqqinnissanut atugassanik tuperfissanut, nerisassiorfissanut (killunik) il.il. atugassanik utaqqiisaasumik atortulersuisoqarsinnaavoq.

Ilanngussami 1-imi takutinneqartut sammisassaqartitsivinni nuna manissarneqarsinnaavoq aammalu ujaraaqqanik assigisaanilluunniit qalliusorneqarsinnaalluni.

14.6 Nunaminertat sanaartorfigineqanngitsut sanaartorneq allanilluunniit suliaqarneq pissutigalugu innarlerneqarsimasut ilusaattut ilerseqqinneqassap-put.

Piiaanermi, sanaartorfigissaanerni sanaartornernilu nuna sapinngisaq tamaat mianersuunneqassaaq.

Immikkuualuttoq 2

14.7 Sumiiffimmi pissusissamisoortumik naasooreersut atorlugit ikkussuisoqarsinnaavoq.


AKUERSISSUTEQARNEQ

Kommunimut pilersaarummut tapiliusseq 3D13-1, Qernertunnguit Kangerluani Takornarianut illuaqqat, matumuuna Kommuneqarfik Sermersuumi Kommunalbestyrelsip 2012-imi novembarip ulluisa 27-ni ataatsimiinnerani akuersissutigineqarpoq.


Kommuneqarfik Sermersooq ulloq,




Asii Chemnitz Narup /
Borgmesteri



Stine Johansen /
Pisortaagallartog



Ilanngussaq 1



Ilanngussaq 2 Kommunimut pilersaarummut tapiliussaq 3D13-1 atorlugu immikkoortup ilaa nutaaq 3D13 killeqarfilersorneqarpoq aammalu immikkoortup ilaa 3D5 peerneqarpoq.



Ilanngussaq 3


Illut saqqartaasa silataat qalipaatinik takutinneqartunik arfiniliusunik qalipanneqarsinnaapput



NCS 4050 Y90R




NCS 5040 Y80R



NCS 0502 Y



NCS 6520 G30Y




NCS 4050 Y25R




NCS 2040 Y20R

Illut silataasa sinneri taartumik NCS-imi takutinneqartut ilaannik qalipanneqarsinnaapput



Titartagaq

Philip Rosendahlip illumik issumik ujaqqanillu qarmalit-
tut pilersarusiaa 1936-imeersoq



Ilanngussaq 5